

Кузь нэм да бур шуд!

Эжва йывлөн слава

Анна Алексеевна Тюрнина

Чужис 1941 вося август 31 лунö Мысын. Пöжасис Усть-Немскöй леспромхозлөн орсын, увйысис леспромхозын да 18 во сөстөммөдчис шөр бурдөдчанінын. Коммунистическöй уджывса да öкмысөд пятилеткаса ударник, социалистическöй ордйысьöмын вермысь.

Быдтис да велөдис пиөс.

Бур уджысь сетісны «Уджывса ветеран» медаль, почёт грамотаяс.

Öнi шойччöг вылын, олö Кулөмдінын.



Звезда

Эжва йывса войтырлөн газет

Петö 1929 восянь

Воторник, 2011 вося август 2 лун 93 (10368)-өд №

Кымын юр,
сымын
и вежөр

(коми шусьöг)

ТÖДÖЙ, МЫЙ ВЫЛЫС

ДЗОНЬТАЛÖНЫ БУРДÖДЧАНІН

Дзоньталöны Кулөмдінса шөр бурдөдчанінылысь хирургия да реанимация юкөнъяс.

Вөчасöны Сыктывкарысь «Ремстройсервис» да «Сириус» котыръяс. Вежлалöны öшиньяс, вильмөдöны стенъяс, джоджъяс. Хирургия юкөн дзоньталөм сувтас 5,4 миллион, реанимация юкөн - 1,6 миллион шайт. Эштöдасны арпомын.

ЮКСИСНЫ ОПЫТÖН

Райадминистрацияысь том йöзлөн да семьялөн юкөнъсь специалист И.И.Кинаш ветліс Шойнатйö том йöзкөд уджалысьяслөн чукöртчылöм вылö.

Котыртлис сійöс Ставросияса Народнöй фронт туйвизь серти уджалысь Общественнöй палата. Сёрнитісны, кызди бурджыка котырtnы тыр арлыдтöм челядылысь гожся удж. Опытөн юксисны Кöрткерöс районсаяс. Пример вылö вайöдісны «Школаса лесничество», «Том дорйысь» котыръяслысь удж. Вöліны бур вöзйöмъяс, кодъясөс колö пыртны челядыкөд уджö.

УЛИЧАЯС ЮГЗЯСНЫ

Диасөръяса уличаяс арсяныыс тöдчымöн югзясны.

Матысса кадö пуктасны электроэнергия видзтан 15 лампа. Содтöд вит би сюръя сувтöдасны Гаражнöй улича вылö, көні öнөдз вöлі сöмын öти лампа. Уджъяс вөчасны ЮЭС-лөн Помөдінса участокысь уджалысьяс.

ВОТÖНЫ ЧÖД

Дзоллын кызвыныслөн турун пуктöм помасис и босьтчисны вотны чөд.

Сійö таво эм. Вотöмасö примитöны предпринимательяс. Öти килограммысь вештöны 65 шайт.

Таво эм и пув да турипув. Уджыд тані абу да век нин мыйкö мында нажöвитасны.

ВÖР ОЗ СОТЧЫ

Талун кежлö районса вөръясын абу ни öти öзйöм.

Бөръясö, кодъяс вöліны Кулөмдінса да Немдінса лесничествояслөн вөръясын, кусöдісны июль 30 лунö.

Ставыс вöлі нин 36 öзйылөм, сотчис 572 гектар. Медьджыд пай найöс бырöдöмö пуктисны авиаохраналөн Кулөмдін юкөнса парашютистыяс, «Монди СЛПК-лөн вöрса компания» котырö пырысь предприятияяс да кышöдөм йöз. Сідз, Ньюмьд дорса öзйөм кусöдис 87 морт.

Уна öзйөм мортлөн идөртöмлун вöсна. Колö овны видзчысьöмөн, оз позь некөн пестыны бишур.

Асланым да общ. корреспондентъяс.

ТАЛУН - ВОЗДУШНО-ДЕСАНТНÖЙ ВОЙСКАЯСЛӨН ЛУН



Кужса лесничествоясь лесничöй И.А.Игнатов талун кутас пасйыны Воздушно-десантнöй войскаяслысь лун.

Тимшерса шөр школа помалөм бөрүн Иван Алексеевич велөдчис Суводскöй лесхоз-техникумын. Армияö босьтісны Усть-Немскöй лесхозын вөр овмөс кузя инженерөн уджалігөн нин. Вөскаліс ВДВ-лөн Омскöй велөдчан шöринö. 6 тöлысь велөдчис механик-водительö. Водзö служитіс Московскöй областыса Нарофоминск карын, ВДВ-лөн 119 полкын. Во джын вöліны öтлаын Кулөмдінса зон Виталий Игнатовкөд.

Служитіс бура кык во. Көкъямысысь чеччышлис парашютөн, унаысь вöлі учениеяс вылын. Эмөсь частьса командирьянь аттöалöмъяс.

Öнi Иван Алексеевич дорйö став лекторсысь парма. Зэв жö пыдди пуктана да кывкутана удж.

Гижöд да снимок
Николай
ЛЮТОЕВЛÖН.

КОМИ РЕСПУБЛИКАЫН

ШОЙЧЧÖНЫ ЧЕЛЯДЬ

Таво гожöмын шойччас республикаса 62,5 сюрс челядь. Та йылысь юөргіс республикаса юральсысь вөжысь Виталий Стаханов. Путёвкаяс сетöны сак, кор урчитöм мында сьом торйөдöны муниципалитетъяс.

Коми республикаысь велөдан министерстволөн юөртöм серти, челядылы лагеръяс, а сідзжö найöс новлөдлысь транспорт вочавидзöны корөмъяслы. Лагерын олан да туйын мунан кад кежлö челядысь страхуйтöма.

«Коми республикаын олысь челядылысь дзоньвидзалун ёнмөдөм да найöс шойччөдөм» программа олөмө пöртөм вылö, кодöс лөсьöдис велөдан министерство, интернат сям республикаса учрежденияслы торйөдöма 33,1 миллион шайт.

Июль пом кежлö шойччөдөмөн вöлі пымыртöма Коми республикаса 3105 челядысь. На лыдысь 1522 морт шойччис Азовскöй да Чёрнöй мореяс дорын, 1583 морт - Россияын, тшöтш и Коми республикаын.

Челядысь шойччөдөм вöсна кывкутöны оз сöмын велөдан, но и бурдөдан, социальнöя доръян, уджөн могмөдан юкөнъясса, пытшкөсса делöяслөн органъясса, видзчысьтөм лөомторъяслөн управлениеса, Роспотребнадзорлөн юкөнса уджалысьяс.

КОМИИНФОРМ.

ТÖДВЫЛÖ

ÖЗТÖМЫСЬ - КЫВКУТÖМÖ

Бөр-ва видзөм кузя Кулөмдін районса комитет вайөдö йöзлы төдвылö, мый 2011 вося июль 11 лунсянь уджалö Коми республикалөн 2011 волөн июнь 23 лунся 48-РЗ номера «Коми республикаса öткымын законö биысь видзчысьöм кузя вөжсьöмъяс пыртöм йылысь» закон, көні Коми республикалөн 2003 волөн декабр 30 лунся 95-РЗ номера «Коми республикаын административнöй кывкутöм йылысь» законлөн 8(1) статья содтöма 5-өд юкөнөн татшөм гижөдөн:

«5. Билы паньд сулалан торъя режима кадö, кодöс вынсьöдöма Коми республикаын, сиктъясын, посёлкъясын, грездъясын (уличаяс вылын, паркъясын, скверъясын), дачаяс вылын, сад вөдитанінгъясын, сёнгъясын, туй пöлөнгъясын, муяс да видзъяс вылын биасысь, кос турун, коръяс, увъяс да мукөд быдмөг коляс, лөп-өг да вочасын коляс сотөм, öзйөмөдз вайөдны вермысь уджъяс нуөдөм вайөдö административнöй штрапöдз: йöзлы - öти сюрссянь кык сюрс шайтöдз, должностнöй йöзлы - куим сюрссянь вит сюрс шайтöдз, юридическöй лицöяслы - 30 сюрссянь 50 сюрс шайтöдз».

Вадим САЗАНОВИЧ,
вөр-ва видзан райкомитетысь юрнуөдысь
специалист-эксперт.

